

Usanifu wa Hali ya Juu

Heri mtu yule aonaye hekima, Na mtu yule apataye ufahamu—**Mithali 3:13.**

Kumcha Bwana ni chanzo cha hekima na mtu anayeridhia kufinyangwa na kuundwa kulingana na mfano wa Mungu ni kielelezo adilifu cha kazi ya Mungu....

Maarifa ya majaribio ya utauwa wa kweli, katika kujiweka wakfu na kumtumikia Mungu kila siku, huhakikisha utamaduni wa juu kabisa wa akili, nafsi na mwili.... Utoaji wa uwezo wa Mungu ni mwitikio wa jitihada zetu za dhati za kutafuta hekima kwa ajili ya matumizi ya uangalifu ya uwezo wetu wa juu zaidi ili kumheshimu Mungu na kuwabariki wanadamu wenzetu. Kwa vile uwezo huu umetokana na Mungu, na si kwa kujiumba wenyewe, unapaswa kuthaminiwa kama talanta kutoka kwa Mungu ili kutumiwa katika huduma Yake.

Uwezo wa akili tuliokabidhiwa na Mbingu unapaswa kuzingatiwa kama mamlaka kuu, ili kutawala ufalme wa mwili. Uchu na tamaa za asili zinapaswa kuwekwa chini ya uhibitaji wa dhamiri na mapenzi ya kiroho....

Dini ya Yesu Kristo kamwe haimshushii hadhi mpokeaji; kamwe haimfanyi kuwa mwenye mikwaruzo au asiye laini, asiye na adabu au kujiona kuwa muhimu, mwenye shauku au moyo mgumu. Kinyume chake, inasafisha ladha, kutakasa maamuzi, hutakasa na kuinua mawazo kwa kuyaweka katika utumwa wa Yesu Kristo.

Mpango bora wa Mungu kwa watoto Wake ni wa juu kuliko fikra za juu zaidi za mwanadamu kuweza kufikia. Mungu aliye hai ametoa katika sheria Yake takatifu nakala ya tabia Yake. Mwalimu mkuu zaidi ulimwengu kuwahi kumjua ni Yesu Kristo. Na je, ni kiwango gani ambacho ameweka kwa ajili ya wote wanaomwamini kufikia? “Basi ninyi mtakuwa wakamilifu, kama Baba yenu wa mbinguni alivyo mkamilifu” (Mathayo 5:48). Kama ambavyo Mungu ni mkamilifu katika utendaji Wake wa hali ya juu kabisa, ndivyo ambavyo mwanadamu anavyoweza kuwa mkamilifu katika uwanda wake. Ukamilifu wa tabia ya Mkristo ni kuwa kama Kristo. Kumefunguliwa mbele yetu njia ya ukuaji endelevu. Tuna lengo la kufikia, kiwango tupaswacho kuwa nacho ambacho kinajumuisha kila kitu kizuri na safi na chema na cha juu. Kunapaswa kuwepo na juhudi endelevu na kuendelea mbele na juu daima kuuelekea ukamilifu wa tabia.